

Gvangjsih Minzcuz Bau

ganhhau: CN45-0036 B.2019 Nd.1 Ng.9 liggaeuq fouhswt nienz ndwenlab coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3357期

Dava Banh Gaiq Nduj Siujhagseng Yung Hahcuengh Biucinj Daxdaix Biujyenj Duxcaiz

Vih coicaenh sonhag Cuengh Gun song saw vah, caux ok gij heiqfaenh habsib ndawhag ndei, gungganq gij yinxdaeuz hagseng gangj, yung Hahcuengh biucinj, ndwen 1 ngoenz 3, Dava Yauzcuz Swciyen gaiq nduj siujhagseng yung Hahcuengh biucinj daxdaix biujyenj duxcaiz youq Luzej Siujyoz banh, 37 baux hagseng caeuqfaenh guh biujyenj ndeiawj, daengx hagdangz cien lai baux lauxsae caeuq hagseng yawjgonz daxdaix.

Mwh daxdaix, daengxcungq baux caeuqfaenh daxdaix cung yung Hahcuengh biucinj guh biujyenj. Daengx ciengz biujyenj hingzik moqsak,

neyungz lai, gig miz gij yinx lwgnyez, cungfaen yienh'ok gij yienghsiengq cingsaenz gaenxmaenx baenaj, cangq-heiq doxhwnj. Doenggaq haiguh doenghij hozdung neix, hawj gij ndwenngoenz vwnzva ndawhag ndaej cienzdoengj Bauxcuengh, hawj hagseng ndaej lai gaghag Hahcuengh caeuq rox gangj Hahcuengh, caux ok gij heiqfaenh naekgywd hag Sawcuengh yung Sawcuengh.

Ciuq cam rox, aen yienh neix daj bi 2013 daxdaix haenqrengz guh sawqniemh sonhag Cuengh Gun song saw vah, ndawde Luzej Yangh Cung-

sim Siujyoz ndaej Swcigih Gyaucuzdingh dingh baenz "aen hagdangz sawqniemh sonhag Cuengh Gun song saw vah Gvangjsih Bauxcuengh Swcigih", bi 2014、2015 ceng'aeu ndaej 6 aen mingzngeg ciuseng Gvangjsih Swfhan Yozyen, youq gyoengq gauhgauj bizyewng h aen yienh neix ciusou 6 baux hagseng bae hag Sawcuengh Hahcuengh, doeg 3 bi bizyew le, dinghyiengq anbaiz bae Luzej Yangh Cungsim Siujyoz guh lauxsae Sawcuengh.

(Vuz Vanlij Veiz Liujgveiz/吴万里 韦柳葵)

SIUSIK DINJ

● Ndwen 1 ngoenz 5 banhaemh, youq ndaw Gveigiyen Hozciz Si Yiz-couh Gih, gyoengq siuj baengzyoux caeuq bohranz doxcomz youq giz ndeu, doxlwnz hwnj daiz langhbaij duxcaiz, yienj le langhbaij buhvaq ciuhgeq, ciengqgo, doeg sei daengj ca mbouj geij lai 30 aen cezmuz ndeiawj, yung gij hingzik comzyienj hagsib cwnzgzoj angq gvaq bi moq, langhbaij gij yienghsiengq cingsaenz ndei lwgnyez seizdaih moq cingsaenz gvaekgvaek.

(Genz Cwngz)

● Mboengqneix, Vanz-gyangh Mauznanzcuz Swciyen Sih'wnh Cin banh gaiq daihngaih fouxgvangcangz daxdaix. 19 aen doih daj 14 aen cunh(segih) caeuq gihgvanh aen cin neix daej haenx doxcomz youq giz ndeu, caez langhbaij gij funghcaij fouxgvangcangz, cungfaen langhbaij le gij yienghsiengq cingsaenz ndei vunzlai seizdaih moq.

(Luz Siuhsieh)

● Mboengqneix, Gungcinghdonz Dughlanz Yenveij bae daengz dieglienzhaeh Cangzyangh Cin Bahvanj Cunh banh aen yizsi giensoengq denz "Dughlanz Yen hauxseng bang rengz vut gungz gunggeng — Roengq soengq raeuj", soengq 171 fan denz simndei bae hawj rangzungzhoj laeb dangjan laeb gaj aen cunh neix, gyaqcienz dij 2 fanh maenz.

(Veiz Liginh)

● Mboengqneix, Vuj-senh Yen banh aen singhgiz yisuz diyyuz cungh siujhagseng daxdaix lahlah-cauh, daengx yienh 25 aen doih caeuqfaenh daxdaix doxcomz youq giz ndeu, langhbaij gij yienghsiengq cingsaenz hagseng bauxcoz nyezrauh Vujsenh gig miz rengzhoengh, cingsaenz gvaekgvaek.

(Cau Gozanh)



Yungzsuij: Minzsuz Hozdung Angqhoh Myauznienz

Ndwen 1 ngoenz 6 dwg liggaeuq ndwenlab coit, Liujcouh Si Yungzsuij Myauzcuz Swciyen Ganjdung Yangh Mbanjmenzdung Mbanjmyauz coux daej Myauznienz cienzdoengj. Gyoengq beixnuengx Myauzcuz mbanj henzgyawj ndang daenj buhvaq moqsak gvaq ngoenzciet, doxcomz youq giz ndeu, haiguh caeq Cojmyauz, boq aenvenz caijdangz daengj cienzdoengj minzsuz hozdung, angqhoh Myauznienz, gouz fwn yinz rumz swnh, haeuxgwn fungsou. Ndaw doz dwg beixnuengx Myauzcuz cingq boq aenvenz caijdangz.

(Lungz Linzi/龙林智)

Bingzgoj Yen Ciengq Faenzlungz Bauxcuengh Daengj Ndae Senjhaeuj Swcigih Buek Daihcaet "Feihyiz" Mingzloeg

Mboengqneix, Gvangjsih Bauxcuengh Swcigih Yinzminz Cwngfuj baecinj goengbough le 《Buek Daihcaet Swcigih Gaep Feihvuzciz Vwnzva Yizcanj Daiqbiusiq Hanghmoeg Mingzloeg》, Bingzgoj Yen ciengq faenzlungz Bauxcuengh, gij dinfwngz guh faenbiekgyoij Bingzgoj, fap yw bingh lwgda Bauxcuengh Bingzgoj gungh 3 aen hanghmoeg ndaej senjhaeuj.

Geij bi neix daej, Bingzgoj Yen gig yawjnaek hong baujhoh feihvuzciz vwnzva yizcanj, caemhcaiq aeundaix di cingzciq. Goengbough buek moq swcigih gaep feihvuzciz vwnzva yizcanj daiqbiuj hanghmoeg mingzloeg, yaek vih gij vwnzva cienzdoengj maenhndei minzcuz Bingzgoj Yen daiq daej rengzdoengh hung'ak, doidoengh Bingzgoj Yen feihvuzciz vwnzva yizcanj mwnhoengh hwnghat.

Ciuq cam rox, buek daihcaet swcigih gaep feihvuzciz vwnzva yizcanj daiqbiusiq hanghmoeg mingzloeg faen baenz: Faenzhag ndawbiengz, yaem'wenq cienzdoengj, diuqfoux cienzdoengj, citheiq cienzdoengj, gizei, "diyyuz cienzdoengj, youzyi caeuq bajheiq", dozveh cienzdoengj, dinfwngz cienzdoengj, yw cienzdoengj, minzsuz 10 daihloih, gungh 141 hangh.

(Bung Yenjo Liuz Siujlenz)